

豆醫蠱酌錄中卷

發熱第五

聖濟總錄曰豆候將發必先蒸熱如傷寒狀
頭痛而與四肢俱赤目黃赤腰脊疼足厥冷
小便赤少大便或澹或秘甚則煩渴引飲譫
言脉浮大洪數
豆書曰凡小兒發熱指趾末或中指獨冷或



此屬邪阻

此屬虛而不能達邪

此屬實熱

凡逆豆發熱壯盛煩擾不安鼻乾目赤齒燥

驚搐或便溏或便秘

凡險豆發熱壯盛神昏煩躁妄言妄見目睛

黑白高低或直視不欲眠食頻作驚厥或昏

迷如寐或發熱忽退轉增煩亂

凡悶豆壯熱三四日不退毛竅森聳面若橘

皮神昏躁擾驚搐或口臭唇裂弄舌



此屬虛寒

此屬藏氣內敗

凡陷豆發熱不盛而形呆頭奕肢節懈弛目

睛無光隱隱太息或短氣如喘或泄瀉不食

凡穉兒發熱時忽見驚搐昏迷豆標卽止者

無害

凡發熱時微見吐瀉出汗豆標卽止者無害

凡發熱時顴額紅暈成片豆標卽止者無害

凡發熱時腰痛足軟不能起立者死



凡發熱時腹痛吐利不能俯仰者死

凡發熱時腹脹胸高續增喘噦者死

凡發熱時口鼻大小便見血者死

覈曰豆氣外入首先犯肺傳於肌絡卽與

毒會遂却出肌腠而爲豆故發熱喜徐忌

猛神氣宜靜忌躁始爲元氣完固邪毒易

化豆多順候若元氣不足邪毒難化則發



熱壯厲神情委靡豆多逆候逆候當憑兼
證以定吉凶兼證亦不離乎氣血虛實邪
毒盛弱而已熱有五藏之熱肝熱者小便
先黃腹痛多臥身熱熱爭則狂言及驚脇
滿痛手足躁不得安臥逆則頭痛員員心
熱者先不樂數日乃熱熱爭則卒心痛煩
悶善嘔頭痛面赤無汗脾熱者先頭重頰

痛煩心顏青欲嘔身熱熱爭則腰痛不可

俯仰腹滿泄兩頷痛肺熱者先淅然厥起

毫毛惡風寒舌上黃身熱熱爭則喘咳痛

走胸膈背不得太息頭痛不堪汗出而寒

腎熱者先腰痛肝瘦苦渴數飲身熱熱爭

則項痛而強肝瘦且寒足下熱不欲言逆

則頭痛員員澹澹

刺熱論

證有陰陽之別陽



氣和利則噫陰陽相引則欠陰盛陽絕則
唏陰盛陽虛則振寒寒慄厥逆走上少陰
氣至則嚙舌陽明氣至則嚙唇少陽氣至
則嚙頰寒慄嚙頰卽今之寒戰咬牙是也
氣道約而不利則太息氣并相逆則噦胛
有所竭則耳鳴液道開則泣涕筋脈懈惰
則驛胃熱則廉泉開而涎下

口問
篇

腎氣熱

則腰脊不舉

痿論

肝為握心為擾脾為噦肺

為欬腎為慄

陰陽應象大論

肝病發驚駭

金匱真言論

此皆五藏陰陽邪正虛實之應候凡病皆

當準此不特豆也然於豆候為尤切蓋豆

宜藏府安和氣血通暢不安不暢藉此以

測其源得其源則崇本瀾壅理氣利血諸

法必各得其宜而險逆悶陷諸候或可冀



其生全不得其源則措治乖方而衛散榮

溢氣竭血著外爲發熱內爲少氣

氣定論

離

順候亦將債敗故治肌熱利用輕化汗出

不可發表治內熱宜用涼泄便利不可攻

裏設有六氣相雜當從表疏乳食內阻當

從裡奪必氣血兼調以防冰伏收痲以後

氣血受虧每致暮熱又當諦審陰陽以益

虛羸治熱之旨察熱之法盡乎此矣



南京中醫藥大學圖書館版權所

五
江
通
月

山
分

六



南京中医药大学图书馆版权所有

標豆第六

凡發熱三日後面部透有顆粒膚內隱有紅點是豆初見標爲正一朝八日照之紅點錯落標出爲二朝第三日初標之點漸大繼標之點悉循次充長矣

凡豆標吉部顆粒圓聳摩之光澤色淡紅與肌色分明者吉標於凶部顆粒瑣屑摩之枯



澁色黯滯與肌色不分者凶然凶部形色者亦能吉吉部形色劣者亦能凶

凡豆宜陸續標齊次布贈點漸至足心熱即

退盡而神氣靜爽者吉稀疏不盈百粒者足

心可無贈點

凡發熱一日半日豆點一擁標出者凶顛臍

有豆者死

此屬氣
隨豆脫



凡重豆標齊精神陡爽者死愁楚不食者

死

凡穉兒每發熱一日豆即標出若熱輕標緩

神安乳納者無害

凡穉兒豆標瑣密雖形色俱美亦多險變

凡發熱五六日豆標不出並無他證夾雜忽

鬱胃而豆與汗俱出者無害

此以質弱故也

此屬氣壯之候



此屬正
虛邪實

凡發熱不退豆標不暢復大熱而豆大標熱
即退者無害若熱一次標一層愈標愈密者

凶

豆形部位經脉斑疹丁泡別卷詳載

論曰一二三日豆標當先以兒之體質肌

色驗血氣盛弱肌色白嫩多氣虛色必鮮

艷肌色粗糙多血虛色必晦滯氣虛者多



寒血虛者多熱羸瘦有宿病或新病未痊

或脫乳色必枯澁點雖稀疏亦易變險次

察根暈厚薄標布遲速兼證之寒熱虛實

以施治療根暈肥厚束附者易長易收瘦

薄散漫者難肥難結年長之兒四日外尙

發贈點齒穉之子一日內亦有標齊豆色

紫赤煩躁悶亂則爲熱實可攻豆色灰白

